



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the BiH

GODINA: XI
BROJ: 184
DATUM: 1.08.2014. GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Općine Bihać, Široki Brijeg, Tuzla i Zenica od sada gradovi	1
Načelnik Općine Srebrenik podnio ostavku	1
Na donatorskoj konferenciji u Briselu za BiH prikupljeno 809 mil.KM	2
Osam poplavljenih porodica u općini Doboj Jug dobilo po 2.000 KM	2
Turci donirali dječije sobe ugroženima u Sapni	3
Mostar dobio interpretacijski muzej	3
Stambeno zbrinuta porodica Skurlić iz općine Sapna	4
24 firme iz Tešnja među 100 najboljih u BiH	4
Općine moraju požuriti sa implementacijom podprojekata unutar projekta "WATSAN"	4
Od 1. avgusta u općini Doboj Jug 30 novozaposlenih na obnovi poplavljenih domova	5
U Općini Foča-Ustikolina u toku rekonstrukcija sistema navodnjavanja	5
Sve informacije za investiranje u Žepču na jednom mjestu	5
Programi pomoći i podrške firmama koje su pretrpjele štetu u nedavnim poplavama	6
Općina Doboj J. i Dobojputevi potpisali ugovor na uređenju puta kroz Matuziće	6
LAF radionica "Općinske službe za djecu"	7

Bilten Saveza općina i gradova Federacije Bosne i Hercegovine

OPĆINE BIHAĆ, ŠIROKI BRIJEG, TUZLA I ZENICA OD SADA GRADOVI

Na Vanrednoj sjednici Predstavničkog doma Federalnog parlamenta, koja je održana u četvrtak (24.07.) u Sarajevu, većinom glasova po hitnom postupku usvojeni su prijedlozi zakona o gradovima Bihaću, Širokom Brijegu, Tuzli i Zenici.

S obzirom da je ove prijedloge zakona prethodno podržao Dom naroda Federalnog parlamenta, njihovim objavljivanjem u Službenim novinama općine Bihać, Široki Brijeg, Tuzla i Zenica će postati gradovi.

Naime, ove četiri općine u Federaciji BiH čestitile su kriterije po Zakonu o principima lokalne samouprave u Federaciji BiH, kojim je predviđena mogućnost formiranja grada i na području jedne općine i to na osnovu odluke općinskog vijeća i uz ispunjavanje određenih uslova - da je općina urbana infrastrukturna cjelina povezana svakodnevnim potrebama građana i da ima najmanje 30.000 stanovnika, od čega u gradskom središtu kao zaokruženom urbanom području živi najmanje 10.000 stanovnika. Prema popisu iz 1991. godine, općina Bihać je imala 70.732 stanovnika, koji su živjeli na površini od 688 kvadratnih kilometara. Nakon Dejtonskog sporazuma općina je svoju teritoriju uvećala za novih 212 km kvadratnih, a prema podacima Federalnog zavoda za statistiku krajem 2005. je na ovom području živjelo 60.876 stanovnika, od čega više od 40.000 u gradskom jezgri, navodi se u Prijedlogu Zakona o Gradu Bihaću.

S obzirom na tu činjenicu da je Općina Bihać i sjedište Unsko-sanskog kantona koje predstavlja njegov administrativni, privredno-turistički, zdravstveni, kulturni, univezitetski i sportski centar, ispunjene su, stoji u obrazloženju, zakonske pretpostavke da se Bihać proglasi gradom donošenjem ovog zakona.

Isto tako i općine Široki Brijeg, Tuzla i Zenica ispunjavaju kriterije predviđene zakonom.



NAČELNIK OPĆINE SREBRENIK PODNIO OSTAVKU

Sanel Buljubašić, načelnik Općine Srebrenik je u ponedjeljak, 14. jula/srpnja podnio ostavku.

Kako se navodi na općinskoj web stranici, načelnik Buljubašić je ostavku podnio isključivo iz zdravstvenih razloga. „Jedini i osnovni razlog zbog čega podnosim ostavku jesu zdravstveni problemi“, kazao je Buljubašić.

Sada je na potezu Općinsko vijeće, koje ima zadatak da imenuje vršioca dužnosti načelnika, nakon čega će CIK BiH raspisati vanredne izbore za načelnika Općine Srebrenik.





NA DONATORSKOJ KONFERENCIJI U BRISELU ZA BIH PRIKUPLJENO 809 MIL. KM

Na donatorskoj konferenciji za otklanjanje posljedica poplava, koja je održana 16. jula/srpnja u Briselu, za Bosnu i Hercegovinu prikupljeno je 809 miliona eura, a za Srbiju je za istu namjenu 995 miliona.

Predstavnici 23 međunarodne organizacije i 60 zemalja obećali su da će dostaviti ovaj iznos.

Predsjedavajući Predsjedništva Bosne i Hercegovine Bakir Izetbegović rekao je da je zadovoljan rezultatima Donatorske konferencije u Bruxellesu jer su

prikupljena značajna sredstva, ali i pokazanom saradnjom u regiji i Evropi. "Zadovoljan sam, Srbija je dobila nešto ispod milijardu eura, BiH nešto više od 800 miliona eura, to su solidne sume", rekao je Izetbegović i dodao da se s tim sredstvima može uraditi "ozbiljan posao".

On je ukazao da su ta sredstva većinom krediti, ali "s takvim uvjetima da je to skoro na razini granta" (bespovratna pomoć).

Izetbegović je rekao i da se pokazala velika solidarnost i saradnja Srbije i BiH i ljudi koji su se našli u nesreći.

"U BiH se pokazao poseban refleks, dogodilo se da hrvatska sela primaju cjelokupna bošnjačka sela u kuće, pokazala se solidarnost i novo prijateljstvo, što budi nadu i entuzijazam u BiH", rekao je Izetbegović u izjavi za Tanjug.

Predsjednik Srbije Tomislav Nikolić je za B92 rekao da su od tog iznosa nešto donacije država, nešto povoljni krediti, a nešto preusmjeren novac iz različitih fondova.

Na konferenciji "Obnovimo zajedno", ocijenjeno je da su urgentne potrebe BiH za otklanjanje šteta 650 miliona eura, a Srbije 830 miliona eura.

Najveći dio sredstava bit će iskorišten za obnovu infrastrukture, energetike, puteva, stambenih objekata, poljoprivrede i malih poduzeća, piše u zaključcima donatorske konferencije.

Organizatori donatorske konferencije u Briselu za otklanjanje posljedica majskih poplava u BiH i Srbiji su Evropska komisija, Francuska i Slovenija.



KORISNI LINKOVI ZA PREDPRISTUPNE FONDove EU:

www.southeast-europe.net

www.adriaticipacbc.org

www.interregadriatico.it

www.europa.ba

www.cbib-eu.org

www.cbc.bih-mne.org

www.srb-bih.org

www.cbc-cro-bih.net

www.programmmedeu

www.tacso.org

www.euroinfocentar.ba

www.balkanfund.org

www.eurelmed.com

www.eacea.ec.europa.eu

OSAM POPLAVLJENIH PORODICA U OPĆINI DOBOJ JUG DOBILU PO 2.000 KM

Nakon što je općinska načelnica Jasminka Begić potpisala sporazume o dodjeli 16.000 KM pomoći od strane Crvenog križa Federacije BiH, Općinska organizacija Crvenog križa Doboj Jug je u saradnji sa Općinskom komisijom za popis šteta nakon poplava utvrdila spisak od osam poplavom najugroženijih porodica, pozvala nosioce domaćinstava sa kojima su potpisani tripartitni ugovor o ustupanju pomenutih sredstava, navode iz Općine Doboj Jug. U ime Općinske organizacije Crvenog križa Doboj Jug ugovore je potpisao Sabit ef.Šiljić, a u ime Općine Doboj Jug, Jasminka Begić, općinska načelnica. Svoje potpise na ugovor stavili su korisnici ovih sredstava: Enes Skulić, Muhamed Šečić, Nasiha Muratović, Hatidža Muratović, Ramiz Hasanić, Sead Bajrić, Husejin Ahmetlić i Dinko Smajlović. Aktivista CK Doboj Jug Sujemen Kurbašić je pojasnio kriterije za dodjelu ovih sredstava kazavši da će se sredstva dijeliti u dva navrata. Prvo će na žiro-račune biti svima doznačeno po 1.000,00 KM, nakon čega su korisnici ovih sredstava dužni računima opravdati njihovu namjenu, a potom će im se isplatiti ostali iznos takođe od 1.000,00 KM koji će se na isti način morati pravdati. Ovo je svojevrsan bajramski poklon, riječi su korisnika ovih sredstava koji su se na ovaj način uvjerali da nisu sami i da nisu zaboravljeni.



Grb Općine Doboj Jug



TURCI DONIRALI DJEČIJE SOBE UGROŽENIM U SAPNA

SAPNA, 21. juli/srpanj – Za deset porodica sa područja općine Sapna, čije su kuće stradale nakon poplava i klizišta uručena je donacija kompleta dječijih soba, javljeno je iz Službe za odnose sa javnošću Općine Sapna. Pomoć je stigla od Turskog grada Burse. Ovu donaciju dobili su: Memić Osman, Hodžić Bego, Seferović Ahmet, Huremović Nedžad, Skurlić Mujo, Ademović Mevludin, Smajlović Safet, Memić Alija, Garibović Džemo i Muminović Rašid, koji nisu krili emocije i iskrene riječi zahvale za ovaj poklon od grada Burse iz Republike Turske.



Ovu donaciju uručili su predstavnici Crvenog križa općine Sapna.

Prisustvujući činu dodjele ove donacije, načelnik općine Sapna Ismet Omerović rekao je: „Ova pomoć koju smo dobili od grada Burse pokazuje da naši ljudi neće biti napušteni, i mi evo radimo na tome da raspodjela bude transparentna i da pomoć dobiju oni kojima je najpotrebnija, odnosno oni kojima su uništene kuće, pa tek onda drugi“.

MOSTAR DOBIO INTERPRETACIJSKI MUZEJ



U sklopu obilježavanja 10 godina od obnove Starog mosta, u srijedu, 23. jula/srpnja je u Mostaru otvoren Interpretacijski muzej, smješten u ambijentalnom prostoru Čerekovića dućana.

Interpretacijski centar projekt je realiziran u suradnji Grada Mostara, Javne ustanove Muzej Hercegovine, nevladine organizacije "Oxfam" Italija, te regije Toskana, a ukupna njegova vrijednost je oko 230.000 EUR.

Interpretacijski muzej zajedno su s gradonačelnikom Mostara Ljubom Bešlićem svečano otvorili realizatori navedenog projekta.

"Izuzetno sam sretan zbog otvaranja novoga objekta kulture u našem gradu. Danas je Mostar dobio nešto posebno, a to je jedinstven centar ove vrste u BiH koji će posjetiteljima pružiti mogućnost da dožive kulturu i tradiciju ovoga kraja na jedan potpuno novi način", kazao je mostarski gradonačelnik Ljubo Bešlić prigodom obraćanja nazočnima te je zahvalio svima koji su pomogli u realiziranju ovoga projekta.

Zamjenica italijanskog ambasadora u BiH Ilaria Ragnoni kazala je kako cilj Interpretacijskog muzeja objediniti sve ono što predstavlja kulturu ovoga teritorija, ali i pokazati jednu smjernicu prema prosperitetu i budućnosti.

- Ovaj muzej pokazuje kontinuitet prisustva Italije kako u Mostaru tako i cijeloj BiH, a riječ je o prisustvu koje povezuje solidarnost kulturu, turizam. Sve je to predstavljeno i našim sudjelovanjem u rekonstrukciji Starog mosta, ovim muzejom, ali i brojnim našim turistima koji dolaze u Mostar - kazala je Ragnoni.

Direktor Muzeja Hercegovine Asim Krhan kazao je kako je, pored valorizacije kulturne baštine, cilj Interpretacijskog centra uspostaviti integralni i kulturni sustav koji će posjetitelja uputiti na sve originalne lokacije i sadržaje.

- Izloženi predmeti u ovom muzeju ostvaruju, s drugim naracijskim elementima, priču o tradiciji, običajima kulturi stanovanja i kulturi življenja u Mostaru i ovom prostoru - kazao je Krhan.

Juče je obilježeno i 10 godina od obnove Starog mosta. Inače, obnovu su zajednički finansirali Hrvatska, Turska, Italija, Holandija, te Svjetska banka, Europska banka za obnovu i razvoj i Grad Mostar s 1,5 milijuna dolara.

Godinu dana kasnije, točnije 15. jula, na zasjedanju UNESCO-a u Južnoafričkoj Republici u gradu Durbanu, Stari most uvršten je na popis zaštićenih spomenika kulture UNESCO-a, kao spomenik kulture i pomirenja, stoji u priopćenju iz Ureda za odnose s javnošću Grada Mostara.



Sa svečanosti otvaranja Interpretacijskog muzeja

STAMBENO ZBRINUTA PORODICA SKURLIĆ IZ OPĆINE SAPNA

Načelnik Omerović sa porodicom
Skurlić

SAPNA, 18. juli/srpanj – Zineti Skurlić iz Kraljevića uručen je novac za kupovinu kuće, kojoj je klizište uništilo vlastitu kuću. Novac su prikupili Bošnjaci džemata Nestved iz Danske koji su pokazali izvanrednu humanost i obradovali tročlanu porodicu Skurlić. Novac u iznosu od 10.000 KM koliko je nedostajalo da se kupi dom za Skurliće, uručio je građanin mjesne zajednice Kraljevići Smajlović Mujo koji duži niz godina živi u Danskoj i koji je vodio akciju prikupljanja sredstava.

Općina Sapna će dati svoj doprinos i isfinansirati ostatak potreba na kupljenom objektu sredstvima koja Općini budu doznačena iz resornih ministarstava, kako bi bio upotpunosti funkcionalan za život, rekao je ovom prilikom načelnik Općine Sapna Ismet Omerović. Načelnik Omerović se zahvalio džematu Nestved i Bošnjacima iz Danske na humanom gestu kojim će uz pomoć Općine Sapna biti trajno riješen stambeni problem jedne ugrožene porodice.

DVADESET ČETIRI FIRME IZ TEŠNJA MEĐU 100 NAJBOLJIH U BIH

TEŠANJ, 30. juli/srpanj – Danas je u novoj sali Općinskog vijeća u Tešnju upriličena svečana dodjela zahvalnica najuspješnijim firmama za izuzetan doprinos u promoviranju općine Tešanj i jačanju njenih privrednih potencijala. Svečanost je upriličio načelnik Suad Huskić, a sve u povodu proglašenja 100 najuspješnijih firmi u BiH za 2013. godinu prema istraživanju Poslovnih novina. Za poslovanje u 2013. godini i izuzetan doprinos promoviranju općine Tešanj i njene prepoznatljive privrede zahvalnice su dobili: Hifa Oil, AS, Prevent, Hifa, Mann+Hummel BA, Pobjeda, Kantić touristik, BME, Koteks, Madi, Koala paintings, Euro-commerc, Sockmaker3, Artisan, Medena commerc, Euro-trans, Koža komerc, Conita, Belif, Zupčanik, i Eko-servis. Pored navedenih zahvalnice su dobile i firme koje su registrovane na drugim lokacijama, ali su vlasnici istih sa područja općine Tešanj, a to su; Hifa petrol Sarajevo, Vispak Visoko i Fortitudo Travnik.

KORISNI LINKOVI ZA
PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

OPĆINE MORAJU POŽURITI SA IMPLEMENTACIJOM PODPROJEKATA UNUTAR
PROJEKTA „WATSAN“

DOBOJ JUG, 30. juli/srpanj – U vezi sa inicijativom Evropske investicione banke (EIB) oko ubrzanja implementacije Projekta "WATSAN FBiH" (rješavanje pitanja vodovoda i kanalizacije) za 20 općina u Federaciji Bosne i Hercegovine, u Doboju Jugu su organizirani zasebni sastanci sa načelnicima općina i šefovima projektno-implementacijskih timova (PIT-ova) s područja općina Doboju Jug, Lukavac, Gračanica, Tešanj, Usora, Jajce i Orašje.

S obzirom da se radi o povoljnim kreditnim i grant sredstvima, šefica ovog projekta za Federaciju BiH Sanja Terzić je kazala da se Evropska Investiciona Banka odlučila na ovaj korak iz razloga što rokovi za povlačenje grant sredstava za općine koje su aplicirale na ovaj projekat ističu krajem 2015. godine. Kreditna sredstva ove banke su vrlo povoljna uz grejs period od šest godina i devetnaest godina otplatni period uz minimalnu kamatu nešto veću od jedan posto. Za svih dvadeset općina ukupna iznos kreditnih sredstava od Evropske investicione banke je 121,3 miliona maraka, kazala je Terzićeva. Ona je istakla da je veći dio općina usporio procese implementacije i da su tome javne nabavke najveća smetnja. Ona je pohvalila Općinu Doboju Jug za koju je kazala da će najdalje do kraja oktobra otpočeti sa implementacijom projekta (nastavak izgradnje kanalizacije, prečišćača otpadnih voda i zamjene azbesto-betonskih vodovodnih cijevi), zašto su procijenjena potrebna sredstva u visini od 1,6 miliona KM. Krajnji rok za ukupnu implementaciju svih projekata je 2017. godina. Osim šefice projekta, Sanje Terzić, ovom sastanku su prisustvovali Marzena Pettersson i Amra Ibrahimpašić ispred Evropske investicione Banke i Nihad Kuljug ispred Agencije za vode sliva rijeke Save i tehnički konsultant na projektu "Watsan". Za četvrtak je planiran nastavak ovih sastanaka u Bosanskom Petrovcu za općine Bosanski Petrovac, Bosansku Krupu i Veliku Kladušu.

Sa sastanka predstavnika općina
sa projektnim timom "WATSAN"



OD 1. AVGUSTA U OPĆINI DOBOJ JUG TRIDESET ZAPOSLENIH NA OBNOVI POPLAVLJENIH DOMOVA

Nakon obavljenog javnog natječaja za zapošljavanje kandidata putem programa Federalnog zavoda za zapošljavanje "Zajedno u obnovi", u Općini Doboju Jug okončane su sve procedure oko prijema trideset kandidata koji su se vodili na evidenciji biroa rada.

„Ovaj program, nam je dobro došao, jer ćemo sa novoprimiteljnim mladim ljudima koji su bili na biou rada, a koji su aplicirali na javni poziv puno toga uraditi na obnovi poplavljenih domova i



Sa potpisivanja ugovora o zapošljavanju

na sanaciji poplavom oštećene infrastrukture“, kazala je općinska načelnica Jasminka Begić nakon potpisivanja ugovora sa kandidatima. Oni će tri mjeseca putem Općinske civilne zaštite raditi na sanaciji oštećenih kuća kod starih, bolesnih i iznemoglih poplavljenih sugrađana, te na uređenju vodom oštećenih puteva, kanala i javnih površina. Mnogima će ovo zapošljavanje itekako dobro doći jer godinama čekaju posao, mišljenja su svi kandidati koji su jedva čekali da potpišu ugovore. Za period njihovog angažovanja vodiće im se radni staž i imaće zagarantovana mjesečna primanja.

U OPĆINI FOČA-USTIKOLINA U TOKU REKONSTRUKCIJA SISTEMA ZA NAVODNJAVANJE

Općina Foča - Ustikolina već neko vrijeme aktivno učestvuje u projektu "Rekonstrukcija i razvoj sistema za navodnjavanje", a koji zajednički realizuju entitetska ministarstva, predstavnici lokalnih zajednica i kantonalnih vlasti, te mjesnih zajednica. Ovaj projekat prati Svjetska banka koja je jedan od glavnih investitora.

Vrijednost projekta koji se realizuje na Cvilinskom polju u Ustikolini je oko 890.000 KM.

Načelnik Općine Zijad Kunovac u petak (11. jula/svibnja 2014. godine) je sa svojim saradnicima obišao gradilište i od podizvođača radova, predstavnika firme "Kaja-Company" dobio informaciju da radovi teku predviđenom dinamikom.

Do sada su položene cijevi primarnog voda, dok se trenutno izvode radovi na temeljima dva bazena čiji kapacitet je po 900 kubnih metara vode.

Riječ je o projektu koji se provodi na nivou BiH i sredstva su namijenjena za razvoj i modernizaciju 10 sistema navodnjavanja – po pet za Republiku Srpsku i Federaciju BiH. Ovo je prvi put da Svjetska banka daje podršku BiH u oblasti navodnjavanja.



Grb Općine Foča-Ustikolina

SVE INFORMACIJE ZA INVESTIRANJE U ŽEPČU NA JEDNOM MJESTU



Razvojna Agencija Žepče d.o.o.
Development Agency Žepče d.o.o.

području općine Žepče, općinskih službi, Razvojne agencije, javnih poduzeća i ustanova, kako bi proces investiranja olakšali i administraciju prilagodili poslovnom sektoru.

U sklopu programa "ProLocal" koji provodi Njemačko društvo za međunarodnu suradnju – GiZ u saradnji s Razvojnou agencijou Žepče u općini Žepče pokreće se "One Stop Shop" usluga za investitore, navodi se na web stranici agencije.

One Stop Shop usluga podrazumijeva pružanje svih potrebnih usluga i informacija investorima koji žele investirati u gospodarstvo Žepča, koordiniranjem svih relevantnih aktera na



FOREIGN INVESTMENT PROMOTION AGENCY
OF BOSNIA AND HERZEGOVINA

PROGRAMI POMOĆI I PODRŠKE FIRMAMA KOJE SU PRETRPJELE ŠTETU U NEDAVNIM POPLAVAMA

S obzirom da su majске poplave nanijele velike štete privrednim subjektima i investitorima, kako stranim, tako i domaćim, Agencija za promociju stranih investicija dostavila je Savezu općina i gradova FBiH informacije koje se odnose na programe podrške firmama koje su pretrpjele štetu usljed nedavnih poplava, i to kako slijedi:

1. Donatorska sredstva norveške ambasade

http://www.norveska.ba/Embassy/Embassy_Fund/Flood-Relief-Fund/#.U7-t1ZR_tqW

2. Kreditna sredstava po povoljnijim uslovima u poplavljenim područjima - Federalno ministarstvo energije, rudarstva i industrije

<http://www.fmeri.gov.ba/program-utroska-dijela-sredstava-utvrdjenih-u-razdjelu-17-budzeta-fbih-za-2014-godinu-fmeri-izdaci-za-finansijsku-imovinu--ostala-domaca-pozajmljivanja--kreditiranje-pod-povoljinim-uslovima-u-poplavljenim-podrucjima.aspx>

Osim toga u najavi su i sledeći projekti za pomoć poplavljenim područjima:

- **The Floods Emergency Recovery Project – Hitna sanacija od poplava (pipeline)**

Ukupno 100 miliona američkih dolara kao kredit iz fonda IDA (IDA Credit from the Crisis Response Window). Uslovi kredita: 25 godina sa grejs periodom od 5 godina, sa povoljnim uslovima kreditiranja

(<http://www.worldbank.org/en/news/speech/2014/07/01/bosnia-and-herzegovina-emergency-recovery-project-q-a>)

- **Svjetska banka: Drina Flood Protection Project for Bosnia and Herzegovina – Zaštita od poplava na rijeci Drini**

Projekt je odobren 16. 5. 2014. godine. Ukupni troškovi projekta 28.3 miliona US\$, dok je zaduženje 24 miliona US\$ (sredstva WB) . Projekta podrazumijeva izgradnju zaštite od poplava za područja Bijeljine u RS i područja Goražda u FBiH. Za implementaciju projekta zaduženi su: Ministarstvo poljoprivrede, šumarstva i vodoprivrede FBiH i Ministarstvo poljoprivrede, vodoprivrede i šumarstva za RS, sa definisanim jedinicama za implementaciju projekta (Pio). Implementacija projekta predviđena za 2015 – 2016. godinu

- **EBRD** – U julu 2014. nadležni u BiH su obavješteni o odluci Odbora EBRD-a da se podrže projekti obnove u vrijednosti 500 milijuna eura u poplavljenim područjima u Bosni i Hercegovini, Srbiji i Hrvatskoj. U skladu sa strategijom EBRD-a, ova pomoć u BiH bila bi usmjerena u projekte obnove cestovne i željezničke infrastrukture, te za mala i srednja poduzeća u privatnom sektoru.

http://www.ebrd.com/saf/search.html?type=article&country=Bosnia_and_Herzegovina

KORISNI LINKOVI ZA PREDPRISTUPNE FONDove EU:

www.southeast-europe.net

www.adriaticipacbc.org

www.interregadriatico.it

www.europa.ba

www.cbib-eu.org

www.cbc.bih-mne.org

www.srb-bih.org

www.cbc-cro-bih.net

www.programmemed.eu

www.tacso.org

www.euroinfocenter.ba

www.balkanfund.org

www.eurelmed.com

www.eacea.ec.europa.eu

OPĆINA DOBOJ JUG I DOBOJPUTEVI POTPISALI UGOVOR NA UREĐENJU PUTA KROZ MATUZIĆE

Uz prisustvo federalnog ministra prometa i komunikacija Envera Bijedića u kabinetu općinske načelnice Jasminke Begić upriličeno je svečano potpisivanje ugovora sa preduzećem Dobojsputevi d.d. Doboj Jug (na tenderu odabranim izvođačem radova) za izgradnju i asfaltiranje dionice glavnog puta kroz Matuziće, ulica Bosanska, na potezu raskrsnica M-4 do rezervoara R-2 u Mujacima, javljaju iz Općine Doboj Jug.

Ova dionica je dužine 1865 metara, širina kolovozne trake je 5,5 metara, a paralelno u sklopu ove investicije koja iznosi 534.391,11 KM koju je odobrila Vlada Federacije BiH iz sredstava GSM licenci gradiće se i trotoar u dužini od 700 metara. Nakon odabira nadzornog organa izvođač radova će se uvesti u posao najkasnije do početka avgusta, a rok za završetak radova je 70 dana.

Ovaj put nije adaptiran od 1980. godine. U ratu je pretrpio brojna oštećenja, a u nekoliko navrata usljed velikih kiša, pogotovo u brdskom dijelu Matuzića na kolovozu su nastala ulegnuća i brojna oštećenja. Put spaja Matuziće, Kraševu, Mraviće i veže se za regionalni put Medakovo-Šije u Lepenici. Vlada Federacije BiH ga je proglasila regionalnim, tako da će se nakon njegove sanacije ova odluka i tretman regionalnog karaktera primjenjivati od novembra ove godine.





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Pratite Savez općina i gradova Federacije Bosne i Hercegovine na



Pratite Savez općina i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

LAF RADIONICA „OPĆINSKE SLUŽBE ZA DJECU“



U okviru programa Local Administration Facility (LAF) organizuje se radionica u Briselu pod nazivom „Općinske službe za djecu“ (LAF Workshop on Municipal services for children) koja će trajati od 24. do 26. septembra/rujna 2014. godine. Cilj studijskog putovanja je pružiti priliku lokalnim i regionalnim predstavnicima za upoznavanjem i razmjenom ideja u vezi sa EU procedurama i praksom u navedenoj oblasti.

Studijsko putovanje je otvoreno za učesnike iz Zapadnog Balkana (Albanija, Bosna i Hercegovina, Hrvatska, Kosovo, Makedonija, Crna Gora i Srbija) i

Tursku. Maksimalno po šest učesnika može biti izabrano iz svake od odabranih zemalja.

Aplikacija treba da sadrži popunjen prijavni formular, pismo interesa i CV. Zainteresovani kandidati treba da pošalju CV i pismo motivacije (sa detaljima njihovog obrazovanja i profesionalnog iskustva i na koji način će dalje da prenose informacije sa ovog studijskog putovanja). Motivacijsko pismo treba biti ovjereno od strane institucije koja šalje učesnika. Prvi pregled pristiglih aplikacija obaviće EU Delegacija u BiH. Aplikacije treba da se šalju na adresu: DELEGATION-BIH-TAIEX@eeas.europa.eu

Izbor kandidata vršiće Generalni direktorat za proširenje zajedno sa program menadžerima Delegacije Evropske Unije u BiH. Jezik studijskog putovanja je engleski pa je stoga aktivno znanje engleskog jezika preduslov za učešće. Učesnici će biti direktno kontaktirani od strane kancelarije Generalnog direktorata za proširenje, pa stoga je bitno da kandidati navedu direktan broj telefona u prijavnim formularu. Znanje engleskog jezika je važno zbog praktičnih vježbi gdje će biti traženo učešće svih polaznika.

Studijska posjeta organizuje se za učesnike koji nisu do sada bili dio LAF događaja ove vrste.

Krajnji rok za podnošenje prijava je 22. avgusta/kolovoza 2014. godine.

U slučaju da imate bilo kakvih pitanja u vezi sa aplikacijom, molim Vas kontaktirajte gđu. Esmiru Kešan na: esmira.KESAN@eeas.europa.eu

Dokumente za apliciranje možete naći na našoj web stranici.

